



LOKAL FORSKRIFT OM RETT TIL LANGTIDSOPPHALD I SJUKEHEIM I OSTERØY KOMMUNE

HEIMEL: Fastsett av Osterøy heradsstyre (21.06.2017) med heimel i lov om kommunale helse- og omsorgstenester m.m. av 24. juni 2011 nr. 30 (helse- og omsorgstjenestelova) § 3-2a, andre ledd, jf lov 2.juli 1999 nr. 63 om pasient- og brukerrettigheter (Pasient- og bruker rettighetslov) § 2-1e.

§ 1 Formål

Forskrifta sitt formål er å sikre at pasient eller brukar får nødvendige og forsvarlege helse- og omsorgstenester, jf helse- og omsorgstjenestelova § 3-2a, i samsvar med rettane definert i Pasient- og brukerrettighetsloven § 2-1e og 4 A-4.

Forskrifta skal

- tydeleggjere Osterøy kommune sine kriterier for tildeling av langtidsopphald i sjukeheim eller tilsvarande bustad særskilt til rettelaagd for heildøgns tenesteyting,
- fastsette kriterier for å bli sett på venteliste til langtidsopphald i sjukeheim, samt
- skildre korleis pasient eller brukar kan ivareta kast i ventetida.

§ 2 Lovgrunnlag

Heimel for tildeling av langtidsopphald i sjukeheim er lov av 2.juli 1999 nr. 63 om pasient og brukerrettighet § 2-1a andre ledd og §2-1e første ledd, jf lov av 24.juni 2011nr.30 om kommunale helse- og omsorgstenester § 3-1første ledd 3-2 nr. 6c og § 3-2a første ledd.

§ 3 Virkeområde

Forskrifta gjeld personar som kommunen har ansvar for å yte tenester til etter helse- og omsorgstjenestelova og pasient- og brukerrettighetslova.

§ 4 Definisjonar

- Langtidsopphald* er opphald i sjukeheim på ubestemt tid.
- Ein *sjukeheim* er ein helseinstitusjon som fell inn under forskrift 16.desember 2100 nr.1254 om kommunal helse- og omsorgsinstitusjon § 1bokstav d og e og § 2. Osterøy kommune gir langtidsopphald i institusjon ved Osterøytunet. Hauge bufellesskap kjem ikkje inn under forskrift om tildeling av langtidsplass i institusjon, då dette tilbodet ikkje stettar krav til sjukeheimsdrift, jf forskrift for sykehjem og boform for heldøgns omsorg og pleie.
- Å stå på *venteliste* tyder at pasient eller brukar kan bu heime med forsvarleg hjelp i påvente av plass.

§ 5 Søknad og vedtak, ansvar og mynde

Vurdering, tildeling eller avslag skjer på bakgrunn av søknad, helseopplysingar og vurdering av hjelpebehov. Søknad skal vere underskriven av søkjar sjølv, eller av person søkjar har gitt fullmakt til. Søknad skal underskrivast av verge dersom søkjar vert vurdert som ikkje samtykkekompetent, jf

vergemålslova. Søknad om langtidsopphald i sjukeheim ved Osterøytunet blir vurdert av inntaksnemnda, som fattar enkeltvedtak i saka. Kommunen skal fatte vedtak om innvilga eller avslått søknad om langtidsopphald i sykehjem.

For pasient eller brukar som fyller kriteria for langtidsplass i sjukeheim, men som med forsvarleg hjelp kan ha eit anna tenestetilbod i påvente av langtidsopphaldet, skal kommunen fatte vedtak om at brukar blir sett på venteliste. Kommunen skal fatte vedtak om nødvendige og forsvarlege helse- og omsorgstenester i mellomtida.

Mynde for enkeltvedtak ligg hos leiar ved forvaltningskontoret for helse- og omsorgstenester.

§ 6 Kriterier for rett til vurdering og tildeling eller avslag på langtidsopphald i sjukeheim

Osterøy kommune nyttar prinsipp om beste effektive omsorgsnivå (BEON) ved tildeling av tenester og tiltak i omsorgstrappa jf helse og omsorgsplan 2013-2022.

Alle søknader om langtidsopphald skal vurderast individuelt.

Pasienten har ut ifrå ei helse- og omsorgsfaglig vurdering rett til langtidsopphald i sjukeheim dersom

- a) pasient eller brukar har eit ønske om langtidsplass, og
- b) pasient eller brukar er over 67 år – unntak kan vurderast -, og
- c) pasient eller brukar har eit hjelpebehov der Osterøy kommune berre kan tilby nødvendig kompetanse og tilgang på utstyr for å sikre helseoppfølging og behandling, i sjukeheim. Dette vil for dei fleste brukarar gjelda i slutfasen av livet, men kan og gjelda brukarar med særskilte og omfattande bistands- og tilsynsbehov, og der helsetilstanden er vurdert som varig, og
- d) alle mindre inngripande hjelpetiltak er vurderte eller prøvde. Slike tiltak kan t.d. vera utprøving av tilgjengelege hjelpemiddel, støttekontakt, dagtilbod, velferdsteknologi når kommunen har tatt dette i bruk auka volum i heimetenester gjennom heile døgeret, omsorgsløn, avlastnings- eller korttidsopphald, alternativ tilrettelagd bustad. Likevel er det slik at personer som bur heime med behov for meir enn 30 timebaserte tenester i heimen per veke, der behovet for tenester kan tidfestast, kan vurderast for langtidsplass, og
- e) pasient eller brukar, pårørande eller Heimetenesta ser det som medisinsk og /eller fagleg uforsvarleg å ivareta søkjar sine behov i eit avgrensa tilsyns- og behandlingstilbod, og
- f) pasienten sin fysiske, psykiske eller kognitive helsetilstand saman med ei vurdering av evne til eigenomsorg, butilhøve, nettverk og eventuell støtte eller hjelp pasienten har i dette nettverket, synleggjer eit sterkt og vedvarande behov for heildøgns tilsyn og omsorg.

§ 7 Tilleggskriterier for langtidsopphald i skjerma avdeling

I tillegg til kriteria i § 4, gjeld følgjande for skjerma avdeling:

- a) pasient eller brukar skal ha ein demensdiagnose eller demenslignande åtferd,
- b) pasient eller brukar sitt behov for miljøterapeutisk tilrettelegging skal vere større enn behovet for pleie,
- c) pasient eller brukar har behov for skjerming i ei tilrettelagt avdeling, og
- d) pasient eller brukar har stort behov for ein føreseieleg og stabil kvardag.

§ 8 Rett til å bli satt på venteliste

Om søkjar fyller kriteria for langtidsopphald, men kan få forsvarlege helse- og omsorgstenester i eigen heim i påvente av langtidsopphald, skal kommunen sette søkjar på vente/observasjonsliste om det ikkje er ledig plass. Ved ledig plass skal alle på ventelista vurderast av inntaksnemnda. Ved tildeling skal den med vurdert størst hjelpebehov ut frå kriteria i §§ 6 og 7 prioriterast.

§ 9 Tiltak i påvente av langtidsopphald i sjukeheim

Pasientar med vedtak og som ventar på langtidsopphald ved Osterøytunet skal få andre tenester for å sikre nødvendig og forsvarleg helsehjelp i ventetida. Dette kan til dømes vere heimesjukepleie, praktisk bistand, dagsentertilbod, støttekontakt, korttidsopphald, avlastingsopphald og/eller andre tenester. For pårørande der pasienten mottek hovudomsorga frå denne, er det mogleg å søkje om avlastande tiltak for særleg tyngande omsorgsoppgåver.

§ 10 Klage

Vedtak etter denne forskrifta kan klagast inn for Fylkesmannen i Hordaland, jf pasient- og brukerrettighetslova § 7-2. Ein klage skal vere skriftleg, jf pasient- og brukerrettighetslova.

Ein eventuell klage skal sendast til forvaltningskontoret, helse omsorg og sosial, som tar saka til vurdering i første instans. Om det ikkje blir vurdert omgjering av vedtak skal kommunen sende klagen vidare til Fylkesmannen for endeleg avgjerd.

Klagefrist er 4 veker, og skal framgå av vedtaket jf pasient- og brukerrettighetsloven § 7-5.

For nærare opplysingar, eller ved behov for hjelp til å fremje ein eventuell klage, ta kontakt med

Sektor helse, omsorg og sosial
v/leiar ved forvaltningskontoret
Rådhusplassen
5282 LONEVÅG

§ 11 Iverksetting

Forskrifta trer i kraft 1. juli 2017.